

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 411679 21 St
Tuzla, 12.01.2022.godine

OPĆINSKI SUD U TUZLI, sudija Antonela Đaković, u postupku predhodnog ispitivanja prijedloga za otvaranje stečajnog postupka nad dužnikom „**SULBAJ**“ d.o.o. za trgovinu, promet i usluge **Grradačac, ul. Hadžiefendina bb**, dana 12.01.2022.godine donio je slijedeće:

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika „SULBAJ“ d.o.o. za trgovinu, promet i usluge Grradačac, ul. Hadžiefendina bb, MBS: 1-10495.

Za privremenog stečajnog upravnika imenuje se Besim Hamidović iz Zvornika, Križevici 173, 75404 Gušteri.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka
- uraditi kontrolu poslovanja stečajnog dužnika
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gradačcu i Gradskoj službi za geodetske i imovinsko-pravne poslove grada Gradačac, radi upisa zabilježbe otvaranja prethodnog postupka.

O b r a z l o ž e n j e

Predlagač „**SULBAJ**“ d.o.o. za trgovinu, promet i usluge Gradačac, ul. Hadžiefendina bb, podnio je dana 21.10.2021.godine ovom sudu prijedlog za otvaranje stečajnog postupka nad navedenim privrednim subjektom, zbog platežne nesposobnosti dužnika koji nije u stanju izvršavati svoje dospjele i potraživane obaveze plaćanja u dužem vremenskom periodu.

Stečajni sudija je nakon što je utvrdio da je prijedlog za pokretanje stečajnog postupka podnesen od strane ovlaštenog predlagača i da je isti dopušten u smislu odredbe člana 58. stav 2. i 13. Zakona o stečaju postupku, dana 10.12.2021. godine rješenjem naložio predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Predlagač je dana 23.12.2021.godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to: Odluka o pokretanju stečajnog postupka od 10.09.2021.godine; Odluka o pokriću dijela gubitka od 31.03.2012.g.; Dostava podataka broj: 032-0-RegZ-21-002858 od 14.09.2021.g.; Bilans stanja na dan 31.12.2010.g.; Bilans uspjeha za period od 01.01. do 31.12.2010.g.; Potvrda poslovne banke – NLB banka dd Sarajevo – Poslovnica Gradačac od 10.11.2021.godine; Izvještaj o računima poslovnog subjekta Centralne banke BiH za „Sulbaj“ d.o.o. Gradačac od 11.11.2021.g.; Uvjerenje Porezne uprave, PI Gradačac broj: 13-3/5-12-5-9524-6905/21 od 17.11.2021.g.; Uvjerenje Uprave za indirektno oporezivanje, RC Tuzla broj: 02/6/IV-16-11-90-8295-1 od 16.11.2021.g.; Finansijski izvještaji - Bilans uspjeha za period od 01.01. do 31.08.2021.g. sa uporednim podacima; Bilans stanja na dan 31.08.2021.g. sa uporednim podacima iz posljednjeg godišnjeg finansijskog izvještaja, predlagač je učinio vjerovatnim platežnu nesposobnost dužnika.

Na ročištu za saslušanje stečajnog dužnika održanog dana 09.12.2021.godine, punomoćnik predlagača je izjavio je da u cijelosti ostaje kod prijedloga za otvaranje stečajnog postupka nad imovinom društva, a kao razlog ističe platežnu nesposobnost društva koje nije u stanju izvršavati svoje dospjele i potraživane obaveze plaćanja u dužem vremenskom periodu. Društvo nema imovine kako pokretne tako i nepokretne, nema aktivnih sudskih sporova. Račun društva otvoren kod NLB Banke kao glavni račun je ugašen, a društvo ima dugovanja prema Poreznoj upravi FBiH cca. 35.000,00 KM radi neplaćenih javnih prihoda. Društvo je bilo PDV obveznik, ali nema dugovanja po osnovu indirektnih poreza.

Imajući u vidu podnesenu dokumentaciju i izjavu punomoćnika zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.). Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA

Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.